



**JAVNI POZIV ZA PODRŠKU ZAPOŠLJAVANJU,
SAMOZAPOŠLJAVANJU I RAZVOJU START-UP PREDUZEĆA
(FINANSIJSKA PODRŠKA)**



Projekat "Socio-ekonomska inkluzija u Brčko distriktu BiH" finansira Vlada Republike Češke, a implementiraju CARE International Balkans i Razvojno-garantni fond Brčko distrikta BiH (RGFBD).



O SEI Projektu:

Projekat Socio-ekonomska inkluzivna inicijativa (SEI) ima za cilj da odgovori na izazove koji su vezani za povoljnije okruženja za socio-ekonomsko uključivanje marginalizovanih grupa¹, i to kroz stvaranje mogućnosti za zapošljavanje, preduzetništvo za nezaposlene i povećanjem nivoa vještina koje odgovaraju postojećim mogućnostima zapošljavanja. CARE i partneri će blisko saradivati sa institucionalnim zainteresovanim stranama i nevladinim akterima na predlaganju i implementaciji mjera koje će se baviti pitanjima i preprekama za socio-ekonomsku inkluziju, kroz uspostavljanje Centra za socio-ekonomsku inkluziju. Cilj je stvoriti nova radna mjesta uz povezivanje svih aktera u lancu vrijednosti kroz savjetodavne i finansijsku podršku startup-ima početnicima, postojećim preduzećima i nezaposlenim marginaliziranim osobama.

Inicijalna procjena o socio-ekonomskoj situaciji u Brčko distriktu je prikupljena analizom dostupne dokumentacije i izvještaja međunarodnih međuvladinih agencija, domaćih institucija i statističkih agencija, te intervju sa partnerima i organizacijama koje predstavljaju ili rade sa marginalizovanim grupama u Brčko distriktu. Prema inicijalnim procjenama, marginalizovane grupe stanovništva i pojedinci koji se suočavaju sa ranjivostima zbog svog pola, rase, seksualne orijentacije, fizičkih sposobnosti i socijalnog statusa su u većoj opasnosti da zapadnu u siromaštvo zbog predrasuda i društvenih normi u društvu, kao i nedostatka senzibiliteta i fizičkog, administrativnog i socijalnog statusa. Naprimjer, Romi, se susreću sa brojnim izazovima za socijalno uključivanje. Prema podacima romskih nevladinih organizacija, otprilike 1,35% romske populacije je zaposleno. Druga grupa stanovništva koja se suočava ne samo sa društvenim izazovima, već i sa fizičkim preprekama kada je u pitanju njihova socijalna uključenost i zapošljavanje su osobe sa invaliditetom (OSI) koji su također ciljna grupa projekta. Nadalje, žene, posebno one koje dolaze iz marginalizovanih grupa, su u nepovoljnom položaju u pogledu zapošljavanja i zadnje informacije govore da je preko 60% nezaposlenih žene. Projekat će posebnu pažnju posvetiti i mladima zbog sve većeg trenda emigracije.

Osnovni postavljeni rezultati projekta su:

- Rezultat 1 – Ugrožene i ranjive populacije Brčko distrikta su povećale svoje kapacitete za zapošljavanje i poznavanje prava, kroz obuke sprovedene kroz projekat i podizanje svijesti
- Rezultat 2 – Povećanje kapaciteta, vještina i mogućnosti zapošljavanja za nezaposlene građane i otvaranje novih radnih mjesta za ugrožene i ugrožene grupe, kroz projektnu finansijsku i tehničku podršku

¹ S obzirom, i imajući u vidu heterogenost marginaliziranih i ranjivih skupina, pri čemu svaka od njih ima specifične probleme i potrebe, SEI Projekat posebnu pažnju pridaje sljedećim kategorijama stanovništva i to: žene, mladi, osobe sa poteškoćama u razvoju / osobe sa invaliditetom, pripadnici nacionalnih manjina (posebno Romske populacije) te dugoročno nezaposlene osobe.



Osnovne usluge novoformiranog Centra za socio-ekonomsku inkluziju (nadalje: SEI Centar) su:

- **Psiho-socijalna podrška**

Pružanje podrške kroz individualni i grupni rad sa korisnicima, odnosno ciljnim grupama projekta što olakšava pristup uslugama, kako SEI Centra, tako i drugih institucionalnih oblika podrške ugroženim građanima i građankama Brčko distrikta BiH.

- **Poslovni inkubator**

Poslovni inkubator je dio preduzetničke infrastrukture koji se nalazi u SEI Centru i omogućava poslovanje minimalno 10 fizičkih ili pravnih lica, a koji će biti dodatno podržan kroz rad SEI Centra.

- **Podrška za zapošljavanje i samozapošljavanje**

Pružanje podrške kroz obuke, grantove, savjetovanje i tehničku pomoć olakšava socijalno ugroženim osobama da započnu ili prošire svoje poslovanje, što doprinosi njihovoj ekonomskoj stabilnosti i inkluziji.

- **Obrazovanje i stručno usavršavanje**

SEI Centar će pružati obrazovne programe i stručne obuke koje povećavaju kapacitete i vještine socijalno ugroženih osoba, što im omogućava lakši pristup zapošljavanju ili samozapošljavanju.

- **Informisanje i osvještavanje**

SEI Centar će provoditi kampanje informisanja i osvještavanja o dostupnim uslugama i podršci socijalno ugroženim osobama da bolje iskoriste resurse koji su im na raspolaganju.

- **Inkluzivnost i pristupačnost**

Uklanjanje arhitektonskih barijera i prilagođavanje javnih prostora omogućava osobama s invaliditetom jednak pristup obrazovanju, zdravstvenim uslugama i zapošljavanju.

Opis Javnog poziva podrške za zapošljavanje, samozapošljavanje i razvoj start-up preduzeća (finansijska podrška)

Podrška za zapošljavanje, samozapošljavanje i razvoj start-up preduzeća je namijenjena ekonomskom razvoju Brčko distrikta BiH i osnovni cilj podrške za zapošljavanje, samozapošljavanje i razvoj start-up preduzeća u Brčko distriktu BiH je podsticanje ekonomskog razvoja regije kroz stvaranje novih radnih mjesta, promociju preduzetničkog duha i podršku inovativnim poslovnim idejama, posebno kod marginaliziranih kategorija stanovništva. Finansijska podrška omogućava nezaposlenim licima, mladim preduzetnicima i start-up preduzećima da pokrenu ili unaprijede svoje poslovanje putem finansijske pomoći, obuke i stručne podrške. Podrška ima za cilj da smanji stopu nezaposlenosti, poveća broj mikro, malih i srednjih preduzeća, te doprinese razvoju lokalne ekonomije kroz održive i konkurentne poslovne inicijative. Na ovaj način, Brčko distrikt BiH postaje atraktivnije



okruženje za preduzetnike, otvara nove mogućnosti za inovacije, te jača privrednu i socijalnu stabilnost zajednice.

Imajući prethodno u vidu, SEI Projekat I SEI Centar otvaraju *Javni poziv za zapošljavanje, samozapošljavanje i razvoj postojećih startup preduzeća*

Vrijednost pojedinačnih grantova je maksimalno 5,000.00 EUR u protuvrijednosti u KM na dan prenosa sredstava, koji uz dodjelu granta uključuje obuke u SEI Centru, izradu poslovnog plana i odobrenje CARE/RGFBD Komisije i nabavku od strane RGFBD u ime odabranog aplikanta.

Finansijska podrška može se koristiti isključivo za nabavku sljedećih proizvoda i/ili usluga:

- Radna oprema za pokretanje i vođenje poslovanja (npr. šivaće mašine, alat za stolarske ili bravarske poslove, frizerski ili kozmetički alat, poljoprivredna oprema itd.);
- Tehnička oprema (npr. računari, printeri, softveri specifični za određene poslove (grafički dizajn, računovodstvo, intelektualne usluge, itd.) pod uslovom da podnosilac zahtjeva već ne koristi ovu uslugu kroz poslovni inkubator ili je ista nedovoljna da zadovolji potrebe preduzeća);
- Zaštitna oprema (npr. odjeća, obuća i druga zaštitna sredstva potrebna za obavljanje poslova u specifičnim industrijama);
- Obuke za sticanje novih vještina (npr. kursevi i treninzi za zanate, IT obuke, obuke za digitalne veštine, itd.);
- Marketinške aktivnosti (npr. dizajn i štampanje flajera, brošura, izrada web stranice, promocija putem tv, radio, snimanje foto i video materijala, google ads, društvene mreže i sl. - pod uslovom da aplikant/ica već ne koristi ovu uslugu kroz poslovni inkubator).

Osnovni uslovi za apliciranje na ovaj Javni poziv su:

Pravno lice:

- Da je registrovan u skladu sa Zakonom o registraciji poslovnih subjekata u Brčko distriktu BiH („Službeni glasnik Brčko distrikta BiH“ broj: 11/20), registrovao privredno društvo kao samostalni preduzetnik (u daljem tekstu: s.p.) ili kao društvo sa ograničenom odgovornošću (u daljem tekstu: d.o.o.) koje je osnovano u zadnjih 36 mjeseci do dana otvaranja poziva,

ili

- Da je aplikant u postupku registracije s.p. ili d.o.o. za vrijeme trajanja javnog poziva

- Da djelatnost subjekta upisa aplikanta nije registrovana za proizvodnju ili trgovinu alkohola, duhana ili igre na sreću.

Fizičko lice

- Da će aplikant/ica registrovati poslovanje u narednih 6 mjeseci od dana otvaranja poziva, odnosno ugovorno se obavezati da će registrovati pravno lice.

Kriteriji za bodovanje

Odabir aplikanata po ovom Javnom pozivu vršit će se u skladu sa sljedećim kriterijima:

- a) Utjecaj na marginalizirane grupe stanovništva,
- b) Usklađenost poslovne ideje sa prioritetima i mjerama iz Strategije razvoja Brčko distrikta BiH ili druge usvojene sektorske strategije na nivou Brčko distrikta BiH,
- c) Društveni kriterij,
- d) Ekološki kriterij.

Vrijednost kriterija će se bodovati koristeći sljedeću tablicu:

Utjecaj na marginalizirane grupe stanovništva	Aplikant će uz podršku granta dodatno zaposliti minimalno 2 osobe iz marginaliziranih grupa stanovništva ili je riječ o samozapošljavanju fizičkog lica koje pripada marginaliziranim grupama stanovništva (S obzirom, i imajući u vidu heterogenost marginaliziranih i ranjivih skupina, pri čemu svaka od njih ima specifične probleme i potrebe, SEI Projekat posebnu pažnju pridaje sljedećim kategorijama stanovništva I to: žene, mladi, osobe za poteškoćama u razvoju / osobe sa invaliditetom, pripadnici nacionalnih manjina (posebno Romske populacije) te dugoročno nezaposlene osobe)	Aplikant će uz podršku granta dodatno zaposliti minimalno 1 osobu iz marginaliziranih grupa stanovništva ili je riječ o samozapošljavanj u fizičkog lica koje pripada marginaliziranim grupama stanovništva (S obzirom, i imajući u vidu heterogenost marginaliziranih i ranjivih skupina, pri čemu svaka od njih ima specifične probleme i potrebe, SEI Projekat posebnu pažnju pridaje sljedećim kategorijama stanovništva I to: žene, mladi, osobe za poteškoćama u razvoju / osobe sa	Aplikant će uz podršku granta doprinijeti situaciji osoba iz marginaliziranih grupa stanovništva, u slučaju da nema novog zapošljavanja (S obzirom, i imajući u vidu heterogenost marginaliziranih i ranjivih skupina, pri čemu svaka od njih ima specifične probleme i potrebe, SEI Projekat posebnu pažnju pridaje sljedećim kategorijama stanovništva I to: žene, mladi, osobe za poteškoćama u razvoju / osobe sa	Aplikant se nalazi na evidenciji Zavoda za zapošljavanje kao dugoročno nezaposlena osoba (dodatni bodovi)
--	--	---	---	---

		<i>invaliditetom, pripadnici nacionalnih manjina (posebno Romske populacije) te dugoročno nezaposlene osobe)</i>	<i>populacije) te dugoročno nezaposlene osobe)</i>	
	30 bodova	20 bodova	10 bodova	5 bodova
Usklađenost djelatnosti ili poslovne ideje sa prioritetima i mjerama iz Strategije razvoja Brčko distrikta BiH ili druge usvojene sektorske strategije na nivou Brčko distrikta BiH	Djelatnost ili poslovna ideja doprinosi realizaciji dvije ili više mjera iz Strategije razvoja Brčko distrikta BiH ili druge usvojene sektorske strategije na nivou Brčko distrikta BiH	Djelatnost ili poslovna ideja doprinosi realizaciji jedne mjere iz Strategije razvoja Brčko distrikta BiH ili druge usvojene sektorske strategije na nivou Brčko distrikta BiH	Djelatnost ili poslovna ideja može potencijalno doprinijeti realizaciji nekih od prioriteta i mjera iz Strategije razvoja Brčko distrikta BiH ili druge usvojene sektorske strategije na nivou Brčko distrikta BiH	Djelatnost ili poslovna ideja je utemeljena na više Strategija na nivou Brčko distrikta BiH i/ili BiH <i>(dodatni bodovi)</i>
Dodatni društveni kriterij	Potencijalni korisnik granta je žena i mlada osoba	Potencijalni korisnik granta (vlasnik) je mlada osoba ili žena	Potencijalni korisnik granta (vlasnik) pripada kategoriji teško zapošljivih lica ili manjina prema definiciji Zavoda za zapošljavanje Brčko distrikta BiH	Potencijalni korisnik granta (vlasnik) je osoba sa fizičkim ili intelektualnim smetnjama ili zapošljava OSI <i>(dodatni bodovi)</i>
Ekološki kriterij²	Djelatnost ili poslovna ideja značajno doprinosi zaštiti životne sredine	Djelatnost ili poslovna ideja djelomično doprinosi zaštiti životne sredine	Djelatnost ili poslovna ideja može biti prilagođena da doprinosi zaštiti životne sredine	Djelatnost ili poslovna ideja se referiše za Strategiju zaštite životne sredine Brčko distrikta BiH <i>(dodatni bodovi)</i>
	30 bodova	20 bodova	10 bodova	5 bodova

² Tehnologije koje su ekološki štetne i neprihvatljive ne mogu biti zastupljene.



Maksimalni broj bodova koje potencijalni korisnik/ica granta može osvojiti iznosi 600 bodova, odnosno, maksimalno 120 bodova po jednom članu Komisije.

Ukoliko više aplikanta/ica nakon bodovanja ima isti broj bodova, prednost ima onaj aplikant/ica ili ovlašteno lice koje je u svojstvu nezaposlenog lica prijavljeno duži vremenski period na evidenciju Zavoda za zapošljavanje Brčko distrikta BiH.

Komisiju za izbor korisnika granta (u daljem tekstu: Komisija) će se sastojati od 5 (pet članova) iz reda zaposlenih u RGFBD, SEI projekta i/ili CARE.

Članovi Komisije potpisuju Izjavu o nepostojanju sukoba interesa i nepristrasnosti prije pristupanja razmatranju prijave.

U slučaju postojanja sukoba interesa, po saznanju, bodovanje vrši zamjenski član/ica Komisije koji će biti odabran iz reda zaposlenika SEI Centra.

Izbor korisnika se vrši na osnovu podnesene aplikacije putem Obrazca za prijavu (Aneks dole) u roku propisanom ovim Javnim pozivom.

Prateći akti kojima se dokazuju kriteriji za bodovanje se dostavljaju u skeniranoj kopiji.

Na osnovu utvrđenih uslova, kriterija i načina odabira, Komisija vrši bodovanje prijavljenih potencijalnih korisnika granta individualno i neovisno na osnovu kriterija. Nakon individualnog bodovanja, utvrđuje se rang lista korištenjem srednje vrijednosti od ukupnog broja dodijeljenih bodova svih članova Komisije, koja će biti javno objavljena.

Dokazivanje uslova

Odabrani korisnici, koji su na osnovu bodovanja izabrani, dužni su na zahtjev RGFBD odnosno SEI Centra, a obavezno prije potpisivanje Ugovora o grantu, dostaviti ovjerene kopije ili originale dokumenata kojima dokazuju ispunjenost kriterija na osnovu kojih je izvršeno bodovanje.

Ugovor sa odabranim korisnicima/ama granta

Nakon rang liste, Komisija pristupa kontaktiranju odabranih korisnika i pohađanju treninga za izradu poslovnog plana u svrhu definisanja potreba svakog korisnika, odnosno definisanju Ugovora, koji je obavezan. U slučaju da aplikant/ica ne pohađa minimalno 80% treninga za izradu poslovnog plana ili isti ne podnese u roku definisanim tokom treninga, biće odabran naredni aplikant za dodjelu granta sa rang liste.



Podnošenje prijava

Za apliciranje na Javni poziv je potrebno popuniti i dostaviti obrazac za prijavu na Javni poziv (Aneks Javnog poziva) te isti (sa kopijama dokumenata kojim se žele dokazati neki od navoda iz Prijave – nije eliminatorno):

- 1) dostaviti lično u prostorije SEI Centra na adresi M.Malića i I. Džindića br.4 u vremenu od 7.30 – 15.30 h.
ili
- 2) poslati poštom na adresu:

SEI Centar
M.Malića i I. Džindića br.4
76100 Brčko

Sa naznakom Ne otvarati: Prijava na javni poziv za finansijsku podršku

- ili
- 3) Poslati emailom popunjeno i potpisano putem email adrese info@seibrcko.ba

**Prijave moraju biti dostavljene najkasnije do
28. septembra 2024. godine do 15.30 h.**

Prijave podnesene nakon isteka roka neće biti uzete u razmatranje.

Ukoliko postoje bilo koje nejasnoće, Vaše upite možete poslati najkasnije pet dana do zatvaranja ovog Javnog poziva putem e-mail adrese info@seibrcko.ba. Odgovori na sva pitanja će biti javno obavljani na web stranici <https://seibrcko.ba/> najkasnije tri dana do zatvaranja ovog Javnog poziva.